

(Пом. Зав. 5 лист боқын).

Эска ме, мый бөр тэ воан,
Збыльыс вермас, лөжыс - оз.
Бөр ми шудаёсь зэв лоам
Долыдалысь юсьяс моз.

Төждөн-уджон водзё олам,
Челядь бордьясыны мед.
Чайта, кыпалам на лолон,
Йөрө петшорыс оз пет.

Ыджыд керка вөчөм эштас,
Сэтчө, майбыр, төрам ми.
Ёна жө и гажа места -
Помос бокса пожом ді!

Мед и вольвласны карысь,
И Москваысь тшөтш жө мед.
Миян тулысысь коть арысь
Аддзас мичлунсө поэт.

Вөрө-вао найос нулан,
Вөчлан кодарынкө би,
Дозмөр шыд ли юква пулан,
Дзикөдз шоналанныд ті.

Водзё лоо йөзлы сылан,
Водзё лоо шонид кыв.
Дзик быд вөлөсьт бурсө кылас,
Сыктывдін и Эжва йыв¹³.

Сөмын висьомлы эн сетчы,
Сэні төрасысь оз сюр.
Олан думон быд лун чеччы,
Быттьо ставыс тэнад бур.

Быттьо гортысь эз и нуны,
Вылыс Човсө он и төд,
Лектор вөчысьон эз шуны,
И дзик ставыс тайо - вөт.

Эскы, мый сөд шогсыс мынан,
Дзескыдныс дыр оз кут.
Кыптөм лолон, содом вынөн
Тэно сывъялас на шуд.

Гашкө, шуан, челядь сёрни,
Да оз сюр тай мөдыс мен.
Ачылд төдан: мыйон норман,
Ньоти сьөкыдсө он вен.

Тәнсьыд гөлөстө ме кыла,
Көть и абу талань тшын.
Век тэ орччөн, көть и ылын,
Тайо сетө меным вын.

Кокни дзоляника ловлы,
Мый эм миян шонид поз,
Челядным оз тшыгйон овны,
Ворсөны жө челядь моз.

Авъя гөгөрвоо ставсө
Да оз юась, колө-й-оз.
Пыртө горто пессө-й-васө,
Ставсө вөчө ыджыд моз.

Муза уджтө зэв жө төдө,
Дасысь висьталом оз ков.
Сийо миян визув өда,
Сийо миян бордья лов.

Вокан - муса кага миян -
Төрасянтгор на и эм.
Дзик өд тэ кодь баннас сийо,
Мед жө төдлас шуда нэм.

Бөрдны чойясыс оз лэдзны,
Сийос ворсөдоны пыр.
Мыйкө велөдоны тэчны,
Налон гөлөс керка тыр.

Тайо-й шонтө менсьым лолөс,
Эськө вөлі эн көть ов.
Меным ставсө венны колө,
Кут и тэ бур бион лов.

Ыджыд ниа пуыд ловъя,
Бушков паджліс, да эз чег.
Эска ме: и Чисталёвъяс¹⁴
Сы моз сулаласны век.

Гижи тэныд бура уна,
Кытчөдз асылыс эз кый.
Бумаг вылад сьөкыд шуны,
Сьөлөм пытшкын вөчсө мый.

Йөзсянь чолөм содтөд пункта,
Натөг эськө сө пов лёк.
Көть он кор, а отсөг чуктө,
Миян шог - и налон шог.

Мыйон шондөдыштас - вола,
Кольла кодлыкө да горт.
Эн жө, эн жө усь тэ лолон,
Менам дона, муса морт.

Кызкө-мыйкө пальөд шогтө,
Эска: воссяс дзескыдін.
Аддзысьлытөдз. Виччысь. Локта.
Тэнад Ара. Помөсдін".

3

"Видза олан, дона мортөй,
Ыджыд гижысь Тима Вень.
Тэнад гижөд нэмсө бордья,
Мича, кызди енэж кень.

Вылыс Човйын тэ эн кувлы,
Пемыд гуын тэ он узь.
Тэнад лолыд шондї улын,
Быттьо енэж шорын юсь.

Нэмсө юргө сөстөм кывйыд,
Коді тэнад коми дзик.
Олө небыд, шонид сывйын
Коми мулөн дзик быд сикт.

Быдмин "лөзов чөд тусь пиын
Вөр туй дорын"¹⁵ коркө кад.
Шонтис лөня пелысь биыс,
Шөпкис гусяторъяс вад.

Вөлі тэныд "потан пыдди
Джуджыд вөр ты пыдөс ва"¹⁶.
Вөрсө пөлыс мойдъяс лыддис,
Зараваыс вөлі ма.

Парма-мамлөн мича лола
Со и лоин, дона пи.
Тэнад сьөлөм бион олам
Уна-уна во нин ми.

Чужан муным зэв жө муса,
Зэв жө муса чужан кыв.
Кутө водзө коми русө
Миян гажа Эжва йыв.

Тырыс гижысь өшинь сайын,
Ставлөн аслас "гөр" да "йөр".
Тэ моз велөдам жө найос,
Медым сөвмис подув вөр.

Нималысьыс вель нин уна,
Кодос төдө Коми му.
Сяммоны дзик ассыс шуны,
Вуджоны ас вөр да ю.

Зиль Напалков¹⁷ гижө уна,
И Ульянов¹⁸ оз жө узь.
Шебыревлы¹⁹ эм мый шуны,
Ногиевны²⁰ гижны сюсь.

Дерт, и шамыртлөны шогъяс,
Волө жө век касьян во:
Абуөсь нин Шахов вокъяс²¹,
Со и Тимушев²² эз ло.

Да-й Игнатов²³ абу ловъя,
Лужииковлөн²⁴ сьөлөм кын.
Миян гижысьяслөн овъяс -
Водзө овны борд да вын.

Сийо-й бур, мый Эжва йывным²⁵
Енбиястөг оз коль.
Оз кө талун бура кывны,
Аски воссяс налон ёль.

Кывбур кындзи эм и сылан,
"Василейлөн"²⁶ ыджыд гор.
Весиг суйөр сайын кылө,
Сийо - саридз, абу шор.

Кыпыдөсь на сідсө лолон,
Нинөмысь оз янав юр.
Но вель шогөдө нин олөм,
Сийо абу ёна бур.

Абу удж да мортыс тшыкө,
Кызди кутчысьны, оз төд.
Кор и власытыс вөлі пыкөд,
Мед эн вишкы, мед эн бөрд?

Сийо өд и тэно виис,
Ньоти мыжыд көть эз вөв.
Нэмсө оэйо сотысь биыс,
Сийос пөлтө беслөн төв.

Гудыр-гадырас ми олам,
Дона мортөй, вель нин дыр.
Веськыда кө шуны, полам,
Көть и вежөрным эз быр.

Шуи: коръясөкө сылам,
Но век бөрсянь вөтчө шог.
Мича ягъясыным моз сылам
Бура важон нин ми-вок.

Вужным, вөлөм, абу пыдын,
Бушков шлапкө козийос моз.
Уна сиктын йөзыс лыда,
Оз нин сильгы ыджыд поз.

Локтөм йөзөн дзикөдз тырим,
Налон паськыдджык нин вуж.
Көнкө, регыдөн ли дырөн
Мөд Куратов оз нин чуж.

Медым чужис, подув колө,
Сийо абу и оз ло:
Дзик нин рочасымөм олам,
Чинам лыдөн воысь-во.

Коді вермө, карө мунө,
Көні чужан кыв оз ов.
Томъяс корсысьсьоны юны,
Налы веськөдь кыв и лов.

Эз пө-й вөвлы некор бурис,
Век пө пыкам сөмын шог.
Но ме сета сөтны юрөс -
Овлім, овлім мортъяс ног.

Быттьо тадз кө водзті вөлі,
Эськө ме, веж вөрсө пи,
Бордья пыжө эг и сөвлы,
Эг и өзтыс ассым би.

Эз жө эськө мукөд кывны,
Кодъяс гөльось, зепныс куш.
Кынмис эськө коми кывным,
Нинөм асланым эз чуж.

Коммунизмө мырдөн мунны,
Гашкө, збыльысь, эз и ков.
Но и йөйталөмөн шуны
Ме ог көсйы, пыксьө лов.

Бура дыр мен овны сюрис,
Мирын ёна кывсим кор.
Сэки уна вөлі бурис,
Шаня казтыла, ог ёр.

Медся дона сөвесьт вөлі,
Вөчан удж да сетөм кыв.
Кывтыдын ли мөдлапөлын
Сэк эз россияв ластва выв.

Өні деньга медся дона,
Ыджыд деньга, уна сьом.
Быдөн көсйө сарөн лоны,
Ачыс көть дзик вежөртөм.

Озыр озырмөдчө водзө,
Гөльыс озырлун оз шед.
Абу весьтын юрийыс кодзув,
Оз и быттьо шондї пет.

Дыр-ө тадзи ставыс лоас,
Вермас лоны, төдө Ен.
Гашкө, сэтшөм вежөр воас,
Мый оз кыпты вира вен?

Озыр гөльыс восьмөн юкас,
Гөльыс водзөс вөчас бур?
Некод некодос оз люкав,
Некод некодос оз пур?

Сийо бур, мый веськыд кывйысь
Он на дзескыдінө сюр.
Он на веськав ыджыд тывъяс,
"Уджалө" кө быттьо юр.

Ме со татшөмторъяс "сөра"
Да ог чегъялөмысь пов.
Гашкө, сюралас на бөрас,
Да оз овсыс некыдз лов.

Сідзи важысянь нин мунө,
Мый Россияын поэт
Лысьтө ставлы кывмөн шуны,
Йөзлы бура овсис мед.

Вөлі Пушкин, мездлун сьыліс,
Вөлі Гоголь - чөв эз ов.
И Есенин гора кыліс,
Вирөсь власытысь эз жө пов.

Тэ өд, дона Тима пиөй,
Эн жө вомад васө кут.
Олін ыджыд сьөлөм бион,
Көсйин мувыв мортлы шуд.

Трипан Васьос ошкан висьтыд -
Став бур йөзос дорьян кыв.
Сийо сьөлөмъясө письтө,
Шонтө, быттьо мамлөн сыв.

Ачылд повтөм мортөн вөлін,
Быдса вөлін, эн вөв джын.
Джуджыд парма вуджин төлын²⁷,
Вайин сиктос мездан вын.

Гөрдъяс вермисны, и накод
Йитин водзө оландыр.
Эн өд чайт, мый власьт жө-й лякас,
Виас бөрти дзескыд жыр.

Тэ өд чайтин, тэ өд эскин,
Мый выль олөм лоас бур.
Аслад сямөдөн да пескөн
Вөчин югыдыслы нур.

И ме лачаон жө ола,
Мый оз пидзөсчанысь Русь,
Кыпалас бөр варыш лолон,
Кодйөм гуранө оз усь.

Шаньмас мед и Коми муным -
Ыджыд Рөдиналөн тор -
Да и сусаскомысь лунын
Кылас миян коми гор.

Видза колян, дона мортөй,
Коми мулөн зарни пи.
Тэ өд гортын, и ме гортын,
Сідзкө, аддзысьлам на ми.

Йөзлысь ловсө кыпөдгөн
Ставыс миян артмас мед.
Гижис Гриша Вась Лодыгин -
Эжва йывса жө поэт".

¹ Помос бок - Помөсдін сикт дорын
Помос ю бок.

² Вылыс Чов - Сыктывкар сайын
дзескыдін, көні пукавліс Тима
Вень, эм и өні.

³ Ара - тадзи шуліс Тима Вень
гөтырсө - Александра Семёноваос.

⁴ "Трипан Вась" - Тима Веньлөн
висьт, кодос донъялісны «мелко-
буржуазнойөн».

⁵ Савин - коми гижысь Виктор
Алексеевич Савин (Нёбдінса Вит-
тор).

⁶ Сандрик Микол - коми гижысь
Николай Александрович Шахов.

⁷ Изьюр Вань - коми гижысь Иван
Васильевич Изьюров.

⁸ Авъя - Тима Веньлөн Авиа ны-
лыс.

⁹ Муза - Тима Веньлөн ныв.

¹⁰ Вокан - Тима Веньлөн пи.

¹¹ "Ныв сетөм" - Тима Веньлөн
пьеса, код серти пуктылісны спек-
такль.

¹² Менам ниа - өшинь улын быд-
мысь ниа пу.

¹³ Сыктывдін и Эжва йыв - Коми
республикалөн юкөнгъяс-районъяс.

¹⁴ Чисталёвъяс - Тима Веньлөн
рөдыс-вужыс.

¹⁵ "Лөзов чөд тусь пиысь" - Тима
Веньлөн кывбурис.

¹⁶ "Джуджыд вөр ты пыдөс ва" -
Тима Веньлөн кывбурис.

¹⁷ Напалков - коми гижысь Виктор
Напалков.

¹⁸ Ульянов - коми гижысь Алек-
сандр Ульянов.

¹⁹ Шебырев - коми гижысь Алек-
сандр Шебырев.

²⁰ Ногиев - коми гижысь Иван
Ногиев.

²¹ Шахов вокъяс - коми гижысьяс
Пётр да Борис Шаховъяс.

²² Тимушев - коми гижысь Эдуард
Тимушев.

²³ Игнатов - коми гижысь Михаил
Игнатов.

²⁴ Лужииков - коми гижысь Алек-
сандр Лужииков.

²⁵ Эжва йыв - Кулөмдін район.

²⁶ "Василей" - өнія выль коми сьы-
ланкывъяслөн фестиваль-конкурс.

²⁷ "Джуджыд парма вуджин тө-
лын" - Тима Вень вөлі гөрд парти-
занъяслөн котырын.